



Broj: 09/2-16-8-11585-10/24
Sarajevo, 20. 05. 2024. godine

Na osnovu člana 64. stav (1) tačka b) i 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14 i 59/22), te prijedloga Komisije za nabavke utvrđenog u Zapisniku, broj: JN1-16-8-11585-9/24 od 13.05.2024. godine, u postupku nabavke usluga servisiranja ugrađenih uređaja za grijanje/hlađenje u objektu MIP BiH, **donosim:**

ODLUKU
o izboru najpovoljnijeg ponuđača

Ponuđač "ICE-NET" d.o.o. SARAJEVO sa ponudom broj: 131/24 od 29.04.2024. godine, proglašava se najpovoljnijim, te se imenovanom ponuđaču dodjeljuje ugovor za nabavku usluga servisiranja ugrađenih uređaja za grijanje/hlađenje u objektu MIP BiH.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14 i 59/22).

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-16-8-11585-1/24 od 02.04.2024. godine, u kojoj je predviđeno da procijenjena vrijednost javne nabavke iznosi 12.000,00 KM bez PDV-a.

Obavještenje o nabavci, broj: 253-7-2-11-3-39/24 objavljeno je na Portalu javnih nabavki dana, 22.04.2024. godine i u „Službenom glasniku BiH“, broj: 28/24 od 26.04.2024. godine.

Javna nabavka je provedena putem konkurentskog zahtjeva za dostavljanje ponuda kojim je predviđeno provođenje e-Aukcije.

Komisija je Zapisnikom o pregledu i ocijeni ponuda za izbor najpovoljnijeg ponuđača u postupku nabavke usluga servisiranja ugrađenih uređaja za grijanje/hlađenje u objektu MIP BiH, broj: JN1-16-8-11585-8/24 od 06.05.2024. godine, konstatovala da su do roka prijema ponuda, 06.05.2024. godine, pristigle ponude sljedećih ponuđača:

1. „Ice Net“ d.o.o. Sarajevo,
2. „Hollodex“ d.o.o. Banja Luka i
3. „Servis rashladne opreme“ o.d. Sarajevo,

zaključno sa rednim brojem 3 (tri).

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da navedene ponude ispunjavaju formalno-pravne, ekonomske i tehničke uslove tenderske dokumentacije, te su iste prihvatljive i mogu biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Polazeći od činjenice da prihvatljive ponude u formalno-pravnom, ekonomskom i tehničkom smislu ispunjavaju zahtjeve Ministarstva inostranih poslova BiH, primjenom kriterija „**najniža cijena**“, Komisija je Zapisnikom, broj: JN1-16-8-11585-8/24 od 06.05.2024. godine, utvrdila rang listu prihvatljivih ponuđača:

1. „Ice Net“ d.o.o. Sarajevo sa ukupnom cijenom ponude u iznosu od 11.992,00 KM bez PDV-a,
2. „Hollodex“ d.o.o. Banja Luka sa ukupnom cijenom ponude u iznosu od 11.998,00 KM bez PDV-a i
3. „Servis rashladne opreme“ o.d. Sarajevo sa ukupnom cijenom ponude u iznosu od 11.830,00 KM bez PDV-a.

Tenderskom dokumentacijom, kao i Odlukom o pokretanju postupka, za ovaj predmet nabavke bilo je predviđeno provođenje e-Aukcije, na koju su pozvani svi kvalifikovani ponuđači. Nakon održane e-Aukcije, dana 10.05.2024. godine, a na osnovu Izvještaja o toku i završetku e-Aukcije, Komisija je konstatovala da su ponuđači učestvovali u istoj i da je konačna rang lista ponuđača sljedeća:

1. „Ice Net“ d.o.o. Sarajevo sa ukupnom cijenom ponude u iznosu od 9.700,00 KM bez PDV-a,
2. „Servis rashladne opreme“ o.d. Sarajevo sa ukupnom cijenom ponude u iznosu od 9.710,00 KM bez PDV-a i
3. „Hollodex“ d.o.o. Banja Luka sa ukupnom cijenom ponude u iznosu od 9.965,00 KM bez PDV-a.

Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, Komisija je jednoglasno dala preporuku da se Odluka o izboru najpovoljnijeg ponuđača za nabavku usluga servisiranja ugrađenih uređaja za grijanje/hlađenje u objektu MIP BiH dodjeli ponuđaču **"ICE NET" d.o.o. Sarajevo sa ukupnom cijenom ponude u iznosu od 9.700,00 KM bez PDV-a.**

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.



MINISTAR

Elmedin Konaković

DOSTAVITI:

1. Ponuđačima,
2. Kabinetu ministra,
3. Odsjeku za opšte poslove, arhiv i dokumentaciju i
4. Evidenciji a/a.